



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Episcopatus de littera T. cap. LIII.

urn:nbn:de:hbz:466:1-38372

Episcopatus de litera T.

Cap. LIIII.

Tarvisini, in Ducatu Foroiulensi, sub Episcopo Patavino.

D.
60



DOVICVS Barbo, Venetus, Abbas monasterij Sanctæ Iustinæ de Padua, & reformator eiusdem monasterij, auctorque Congregationis Sanctæ Iustinæ de Padua, quæ nunc Casinensis appellatur, cum annis multis monasterio præfuisset in omni sanctitate, & bonorum operum operatio-

ne, anno Domini 1437. nolens & inuitus, ab Eugenio Papa IIII. factus est Episcopus Tarvisinus 60. & die 15. mensis Aprilis consecrationis munus accepit: præfuit ecclesiæ suæ annis sex, & mensibus sex; obiitque bonis operibus plenus, anno 1443. (non autem 1471. ut malè scriptum reliquit Ioannes Bonifacius, libr. 11. histor. Taru.) mense Septembri, in Capitulo monasterij sui Sanctæ Iustinæ sepultus. *Ex monumentis illius cœnobij, & alijs.*

Terracinenses in Campania, exempti.

D. AMBROSIVS, Mediolanensis, monachus monasterij Casinensis, vir prudens, & eruditus, anno Domini 1072. ab Alexandro Papa II. Terracinensis Episcopus creatus, ingenij sui monumenta nonnulla posteris reliquit. *Leo Ostiensis in Chron. Casin. lib. 3. cap. 24. & Tritemius, lib. 4. cap. 211.*

D. Gregorius, monachus monasterij Casinensis à pueritia sua, vir in sacris literis eruditissimus, à Paschali Papa II. circa annum Domini 1110. ecclesiæ Terracinensi Præpositus, eandem verbo, & exemplo mirabiliter illustravit; vt uidere est ex eius operibus, quæ passim in multorum manibus uersantur. *Petrus Diaconus, de vir. ill. mont. Casin. cap. 32. & lib. 4. hist. Casin. cap. 44.*

Theanenses, in Apulia, sub Capuano Archiepiscopo.

D. HILARIUS, monachus monasterij Casinensis, ob singularem doctrinam, & tam in secularibus, quàm in diuinis scripturis peritiâ, Theanensis Episcopus creatus, populis suis quod uerbo prædicauit, prius exemplo monstrauit. Floruit ann. Domini . . . *Tritemius, lib. 4. cap. 232. Leo Ostiensis in Chron. Casin. lib. 1. c. 35.*

D. Angelarius, monachus Casinensis, & Præpositus, atque eiusdem cœnobij Abbas XX. Teanensis verò primus, Episcopo Teanensi defuncto eiusdem Ciuitatis Episcopus creatus est anno Domini 890.

& officio suo aliquot annis laudabiliter functus, obiit nonis Decembris, & ibidem in ecclesia sui Episcopatus sepultus est. *Leo Ostiensis in Chron. Casin. lib. 1. cap. 49.*

D. Leo, Monachus monasterij Casinensis, uir in utroque homine clarus, ecclesiam Theanensem gubernandam suscepit circa annū Domini. . . . & cum munus sibi impositum strenuè compleisset, quicquid in pace. *Trittemius, lib. 4. cap. 264.*

D. Pandulfus, monachus cœnobij Casinensis, & Episcopus Theanensis, vir doctus & eruditus, & libertatis monasterij sui defensor acerrimus. Floruit sub Innocentio Papa II. *Petrus Diaconus in Chron. Casin. lib. 4. cap. 110.*

Theofordenses in Anglia, sub Cantuariensi Archiepiscopo.

2 D. HEREBERTVS Cosinga (qui ab aliis Henricus, sed malè vocatur) monachus & Abbas de Ramiffia, precio Pontificatum an. 1091. adeptus Theofordensem, in tantum postea pœnituit, ut delictorum eluendorum causa Romam profectus, spontè se dignitate abdicauerit, traditis Pontificatus insignibus in manum Urbani II. Pontificis: cuius indulgentia munus spretum obire iussus est; qui postea domū reuersus, reliquam ætatem integerrimam uixit; & anno Dom. 1094. die 5. idus Aprilis Episcopalem sedem ex Theofordia, Nordouiciū, hominum conuentu, & negotiatorum copia maximè celebrè, inuexit, ubi loci monasterium monachorum Ordinis Diui Benedicti instituit, & templum Theofordienfe monachis Cluniacensibus, eiusdem Ordinis, donauit: & demum uita, & morte præclarus, obiit anno Domini 1119. regiminis sui 28. *Mattheus Vrestmon. ad annos 1091. 1094. & 1119.*

Therofenenses in Anglia, sub Cantuariensi Archiepiscopo.

S. PAVLINVS, monachus Romanus, ordinatus primum Episcopus Therofenensis, à S. Iusto Episcopo, eam sedem annis aliquot in omni sanctitate rexit, & post anno 625. ad Cathedram Metropolitanam Eboracensem translatus, alteri locum cessit. *Trittemius, libro quarto, cap. 58.*

Toletani in Hispania, nullius Diœcesis: obtinebant enim tunc temporis Archiepiscopalem dignitatem.

S. HELLADIVS, Hispanus, primum in Aula Regia enutritus, deinde sæculo relicto monachus Agaliensis monasterij, quod constructū erat in honorem Sanctorum martyrum Cosmæ, & Damiani, postea eiusdem monasterij Abbas secundus, & tandem, Aurasio Episcopo defuncto, Toletanus Episcopus, creatus anno Domini 606. plebem sibi

sibi commissam in omni exemplaritate rexit, & gubernauit ann. 18. & sanctitate, miraculorumq; gloria clarus, obdormiuit in Domino, anno 624. duodecimo cal. Martij. *S. Ildephonsus de vir. illustribus, c. 7. & alij in Martyrologio notati.*

S. Iustus, Hispanus, monachus, & Abbas Agaliensis tertius, deinde S. Helladij, magistri sui, in Episcopatu successor, præfuit annis plus minus decem, & sanctus habitus, beatam gloriam, & cælestis regni bona promeruit anno 634. post mentem Aprilem, vt arbitror die 9. Maii. *Ildephonsus ibidem cap. 8. Morales, histor. Hispan. libro duodecimo, cap. 21. & alij.*

S. Eugenius, huius nominis secundus, Hispanus, monachus Agaliensis, & S. Helladii discipulus, postquam S. Iustus in gaudium Domini perpetuo victurus intrauit, Ecclesie Toletanæ pastor datus est an. 634. & in omni sanctitate, & iustitia populo suo præfuit annis yndecim, & in senectute bona adpositus est ad patres suos, an. D. 645. *Ildephonsus ibidem cap. 12. Morales, lib. 12. cap. 29. & alij.*

S. Eugenius, huius nominis tertius, Hispanus, monachus monasterii S. Engratiæ in ciuitate Cæsaraugusta, dignus inuentus, qui S. Eugenio II. sibi æquiuoco succederet, Toletanæ ecclesie regimè assumpsit anno Domini 645. quod tenuit annis plus minus 12. & bonis operibus plenus migravit anno 657. idibus Nouembris, in Basilica S. Leocadiæ sepultus. *Ildephonsus, cap. 14. Morales, lib. 12. cap. 34. & alij.* Nonnulla scripsisse refert Mariana, lib. 6. cap. 9. quæ autem sint illa præter eius Epitaphium nihil uidi.

S. Ildephonsus, siue Hildephonsus, seu Illephonsus, uel Alphonfus, Hispanus, ex nobilissimo stemmate Comitum de Orgaz, monachus, & Abbas monasterii Agaliensis, & s. Eugenio II. discipulus, in Episcopatu Toletano successor, præfuit in omni sanctitate annis nouem, & mensibus duobus: & tandem doctrina, & eruditione clarus, obiit anno 667. die 13. calendas Februarii, *Ipse ibidem c. 15. Vaseus in Chronico, Morales, lib. 12. c. 39. & alij.*

S. Iulianus, cognomento Pomerius, sed alius à primo, Hispanus, monachus monasterii Agaliensis, & s. Eugenio II. discipulus, Quirico Episcopo, qui s. Ildephonso successerat anno 680. uita defuncto, Toletanam ecclesiam regendam suscipiens, exemplo, non minus quam verbo: erat enim omnium ferè sui temporis doctissimus, ecclesiam suam non modicum illustrauit, & cum eandem gubernasset annis decem, mense uno, & diebus septem, octauo idus Martij migravit ad Dominum, an. 690. *Vaseus in chronico, & alij.* Scripsit, De vita s. Hildephonsi

dephonſi Episcopi, lib. 1. qui est apud Surium, tomo 1.

D. Cixila, Hispanus, monachus Agaliensis, & s. Illephonſi in Abbatia regimine ſucceſſor; deinde iam ſenex & quaſi decrepitus Toleranus Episcopus, creatus anno D. 766. uerbo, & exemplo extitit mirabilis. Scripsit uitã p̄fati s. Illephonſi Ep̄i. *Ioannes Mariana, lib. 7. c. 6.*

Tornacenses, in Neruijs, sub Archiepiscopo Cameracensi.

1 D. Anselmus, Laudunensis, Gallus, monachus, & Abbas monasterii s. Vincentii martyris, prope Laudunum, uir, tam in humanis, q̄ in diuinis literis eruditus, ab Eugenio Papa III. anno Domini 1146. proprius Tornacensis Episcopus creatus est, cum hætenus populus ille sub Episcopo Nouiomensi fuisset; dignitatem tenuit annis plus minus quinque; & nonnulla ingenii sui monumenta posteris relinquens, obiit anno 1150. Tornaci sepultus. *Demochares de sacrificio Missæ, tomo 2. cap. 15. Belsoreſtius in Cosmogr. sua. & Tritemius, lib. 4. cap. 240. qui tamen ambo correctione indigent; ille quod Episcopum Laudunensem eum dicat, iste quod Sueſſionensem, cum in catalogis ambarum sedium nullus huius nominis reperiatur.*

9 D. Ioannes Buchel, Anginus, Francorum Regis nepos, Doctor Theologus, monachus, & Abbas Stabulanus, Galtero à Mandra in Ecclesia Tornacensi anno 1261. ſurrogatus, annis plus minus 13. laudabiliter officium sibi commissum impleuit: & anno 1274. à Patribus Concilii Lugdunensis, in Episcopum Leodiensem promotus, tandem ab æmulo suo iniquissime occisus est anno 1281. *Demochares de sacrificio. Missæ, tomo 2. cap. 37.*

13 D. Gulielmus, monachus ordinis s. Benedicti, creatus an. Domini 1320. præfuit aliquot annis laudabiliter. *Demochares ibidem.*

22 D. Carolus de Croy, Comitum de Croy filius, monachus primũ monasterii Sanctæ Mariæ de Afflighem in Brabantia, deinde Abbas monasteriorũ Altimontis, Afflighem, & s. Gisleni in Hannonia, postremo Episcopus Tornacensis, uir magni nominis & famæ, multis annis cum monasterio, tũ Episcopatu præfuit. Vixit sub Carolo V. Imperatore, sub anno Domini 1550. & quod excurrit. Obiit in monasterio suo s. Gisleni, & ibidem sepultus est ad dexteram summi altaris in sepulchro alabastrino maximi ualoris, quod sibi ante mortẽ præparauerat. *Tabule monasterij S. Gisleni.*

Traiectenses in Hollandia, sub Coloniensi Archiepiscopo.

1 S. VILLIBRORDVS, qui in consecratione dictus est Clemens, Anglus, monachus monasterii Ripensis in Anglia, Episcopus Frisiorũ, siue Traiectensium ordinatus est à Sergio Papa, Romæ, anno 696.

in templo & die sanctæ Cecilie: totos quadraginta annos in disseminatione Euangelii pacis inter gentes consumpsit; & tandem plenus dierum & sanctitatis, in monasterio Epternacensi in Ducatu Luxemburgensi, à se extracto anno 736. mortuus, die septimo Nouembris, ibidem sepultus est; & Apostolus Hollandiæ & Frisiæ appellari meruit. *Beda, libro quinto, cap. 11. & 12. Trittemius, libro quarto, cap. 67. & alij.*

2 S. Bonifacius, Vvinnfridus antea dictus, Anglus, monachus monasterii Adefcancaster, deinde Mutscellæ, & Archiepiscopus Moguntinus primus, s. Vvillibrordo in cælum translato, ecclesiæ Traiectensis curam suscipiens, eandem annis sexdecim per Eobanum Corepiscopum prudentissimè rexit: & anno 752. Gregorium Abbatem loco suo præficiens ad Frisios Orientales, Euangelium prædicaturus accessit, quorum gladiis in oppido Doccum cum 50. sociis occisus, martyrii coronam accepit anno 755. nonis Iunii. *Trittemius, libro 3. cap. 176. Barlandus in cat. Episc. Traiectensium, & alij.*

3 S. Gregorius, monachus, & Abbas monasterii sancti saluatoris Traiecti, & s. Bonifacii discipulus, à quo constitutus, & consecratus est tertius Traiectensis Episcopus anno Christi 752. præfuit sanctissimè annis plus minus 32. & sacri ministerii administratione clarus, ad Dominum migravit anno 784. die octauo calendas Septembris. *Trittemius, lib. 4. cap. 188. & alij multi.*

4 S. Albericus, siue Adelbertus, uel Adelbricus, Frisius, Illustrissimo Frisiorum Regum stemmate clarus, monachus, & Abbas s. Saluatoris Traiectensis, magistrum suum S. Gregoriū proximè insequutus, annis plus minus decem Ecclesiam sibi commissam uita, & moribus ornauit, & per temporariam hanc mortem laudabili fine, immortalem uitam consequutus est, ann. Domini 794. duodecimo calendas Septembris, in monasterio suo sepultus. *Trittemius, libro quarto, cap. 202. & alij.*

7 S. Rixfridus, siue Ritfridus, monachus (ut arbitror s. Saluatoris Traiecti) Frisius, uir doctus, humilis, & Deo deuotus, Episcop. Traiectensis septimus creatus anno Domini 828. præfuit annis plus minus nouem, & bonorum operum plenus, mortem immortalitate cōmutauit anno 836. die tertio nonas Octobris. *S. Ludgerus Episcopus in uita S. Suuiberti apud Surium, tomo 2. Scripsit nonnullas Epistolas, inter quas, extat illa quæ est ad S. Ludgerum Episcopum.*

14 S. Radbodus, Frisius Radbodi Frisiorum Regis pronepos, monachus Ordinis s. Benedicti, monasterii sancti Saluatoris Traiectensis,

sis,

sis, uir humanarum sacrarumque literarum nō mediocriter peritus, ut ex eius operibus uidere est, omnium suffragiis Traiectinensis Episcopus electus anno Christi 900. postquam decem & septem annis Episcopi munere functus esset, obiit anno 917. die tertio calendas Decembris, & sanctorum numero adscriptus, Dauentriam corpore suo ibi in Diui Leuini templo recondito, clariorem reddit. *Tritemius, lib. 2. cap. 38. lib. 3. c. 255. & de scriptoribus Ecclesiasticis apertius.* Scripsit inter alia quæ extant, laudes S. Bonifacii Episcopi & mart. lib. 1. qui extat MS. in Belgio.

De S. Amalberga virg. Sermon. 1.

Flores S. Vvillibrordi, Libr. 1.

Vitam S. Leuini, Carmine, Lib. 1.

De eodem Encomiasticam orationem, quæ est cum uita eiusdem Carmine descripta, Ultraiecti in Holandia. MS.

Homiliarum & Sermonum, Lib. 1.

Officium quoque integrum de translatione Sancti Martini Episcopi.

19 D. Adelbandus, seu Adelboldus, Frisius, Monachus Lobienfis, uir scientia literarum insignis, S. Anfrido ex hac uita sublato, Episcopus cōsecratus est anno Christi 1010. & multis in Episcopatu rebus præclare gestis, ut eius acta testantur, subtractus est anno 1021. regiminis sui 11. *Tritemius, lib. 4. c. 219.* Scripsit uitam S. Henrici Imperator. Lib. 1. quæ est excusa apud Surium, Tomo 1.

De laude S. Crucis. De laude B. Mariæ.

De S. Martino, cantum nocturnalem, & triumphum ipsius de Danis, Turoniam infringere uolentibus, etsi non multo sermonis cultu: magno tamen pietatis affectu. Et alia nonnulla tam metro, quam prosa.

Trecorenses in Britannia minori, sub Turonensi Archiepiscopo.

S. TUDVALVS, Derochi Regis Britannia affinis, monachus & Abbas Lambalius, deinde Episcopus Trecorensis, anno circiter Domini 600. creatus, cœnobio, & Episcopatu multis annis præfuit sanctissimè, & clarus uirtutibus, & signis migravit in pace, 7. calendas Iulii. *Cœnalis de re Gallica, lib. 2. perioche 6.*

Tripolitani in Syria, sub Patriarcha Antiocheno.

D. BERNARDVS III. Monachus Ordinis S. Benedicti, deinde Tripolitanus Episcopus, ad extremum Casinenfis Abbas 64. creatus anno 1296. Obijt eodem anno 15. calend. Augusti ibique sepultus est. *Catalogus Abbatum Montis Casini MS.*

Tullen-

Tullenses in Leucis, sub Treuirensi Archiepiscopo.

20 D. GARIBALDVS, siue Gribualdus, Volfandi filius, cœnobij Diui Michaelis auctor & dotator, & ibidem postmodum spretis mundi deliciis monachus, deinde ob pietatem Tullensis Pontifex electus anno Domini . . . præfuit annis ferè 8. & multa à Childeberto Rege Ecclesiæ suæ acquisiuit priuilegia. Obiit anno Domini . . . *Franciscus de Roseres, to. 3. Stemmatum. Lotharingie, histor. capitali 52.*

25 D. Frotharius, monachus & Abbas monasterii S. Apri, & postea Tullensis Episcopus, creatus anno Domini circiter 806. præfuit annis . . . & multis munificè ad utilitatem ecclesiæ suæ, & Monasterii, peractis excessit ex humanis, anno . . . *Idem hist. capitali 54.*

33 D. Robertus, monachus Methelochiensis monasterii, Pontifex Tullensis anno . . . creatus, vix anno uno ministravit. *Idem tomo 4. histor. capitali 58.*

D. Bruno, Sueuus, Alsata, Hugonis Comitis filius, monachus monasterii cuiusdam Tullensis, & deinde eiusdem ciuitatis Episcopus, electus anno Domini præfuit Episcopatu annis & cū virtutibus, religione, probitate, ac in egenos mira charitate splendesceret, euectus est ad summum Romanum Pontificatum anno Domini 1049. & Leo I X. vocatus. *Trittemius in Chronico Hirsaugie, & alij.*

D. Ludhelmus, monachus monasterij Sancti Maximini Treuirensis, & postea Tullensis Episcopus, creatus anno Domini præfuit annis Obiit anno *Auctor huius rei iam e mente excidit.*

Tungrenses, siue Traiectenses ad Mosam, sub Colonien-

si Archiepiscopo.

26 S. AMANDVS, Aquitanus, Gallus, Serani Ducis filius, monachus Ogyæ insulæ, siue Lerinensis, & post Bituricensis, deinde Tungrensis Episcopus vigesimussextus, creatus anno Christi 632. præfuit solus anno vno, & paulo amplius; anno enim 633. à Dageberto Rege euocatus Ecclesiæ Argentinensis primus præficitur Episcopus, quam cum annis aliquot in omni sanctitate rexisset, improbitate populorum irritatus, eandem deseruit, & ad primam suam sedem Tungrensem reuersus, quæ hactenus per annos nouem à S. Landoaldo Suffraganeo gubernata fuerat, eandem annis tribus aliis administravit: tandemque studio vitæ arctioris incensus eam iterū relinquens ad monasterium Elnonense, quod nūc à suo nomine, S. Amandus uocatur, anno 645. se contulit, ibique statim vitæ prioris reassumens, monachus obiit anno Domini 661. die 6. mensis Februarii, ubi & honorificè

ficè sepultus est. *Tabulæ Lerinenses MS. Meyerus, Molanus, Cratopolius, & alij permulti, & Trittemius, lib. 4. c. 135.*

27 S. Remaclus, monachus, & Abbas monasterij Solemniacensis, & Sancti Eligij Abbatis, & Episcopi discipulus, S. Amado in Episcopatus regimine suffectus, anno Domini 645. præfuit annis plus minus decem: anno enim 652. sæculi huius rumores fugere peroptas, episcopatum reliquit, & in cœnobio Stabuleti, non longè à Leodio, se abdidit, ubi monachus primum, deinde Abbas effectus, diè obiit anno abdicationis suæ 63. qui erat à natiuitate Christi 715. & ibidem sepultus die tertio Septembris successorem habuit Sanct. Papolenum Abbatem. *Trittemius, libro quarto, cap. 149. & alij in Martyrologio nostro notati.*

28 S. Theodardus, monachus Stabulensis, & S. Remaculi discipulus, magistro suo in Episcopatu succedens anno 655. pro libertate ecclesiæ, ut uerus Pastor, animam suam posuit, unde à filijs Belial iuxta Vormatiam occisus, statim in testimonium sanctitatis, euidentia signa subsequuta sunt. Martyrio coronatus est anno 655. regiminis sui tertio incepto, die 10. Septembris. *Tritt. lib. 4. c. 154. & alij.*

29 S. Lambertus, Apri Comitis Loffensis filius, monachus monasterii Stabuleti, ob eximiam pietatem, & sanctitatem anno Domini 657. in locum S. Theodardi Episcopus renunciatus; præfuit sanctissimè, tam in episcopatu, quam extra, annis 40. & tandem ut alter Ioannes Baptista, pro iustitia, & stupri reprehensione coronatus est martyrio anno Domini 698. 15. calend. Octobris. Quo mortuo Tungrensis, siue Traiectensis superioris ad Mosam sedes, Leodium, siue Legium translata, per S. Hubertum eius successorem, denominationem ab illa ciuitate noua accepit. Fuit autem S. Lambertus Episcopus Tungrensis 29. Traiectensis uerò 20. *Tritt. lib. 4. c. 162. & alij citati in Martyrologio nostro.*

Turiasonenses in Hispania, sub CasarAugustano Archiepiscopo:

D. BERENGARIUS, Arago, Hispanus, Raymundi Argoniæ Regis filius nothus, monachus, & Abbas Montaragonis, deinde episcopus Turiasonensis, circa annum Domini 1150. creatus, postmodum ad Ilerdensem sedem transit. *Ioannes Mariana in Annal. Hispan. libro undecimo, cap. nono.*

Turonenses in Gallia, nulli tunc subiecti: nunc Archiepiscopi.

17 D. GONTHARIUS, monachus, & Abbas monasterii S. Venantii intra terminos Andegauenses, uir prudentiæ maximæ, dum Abbatis officio fungeretur; sed episcopus factus repente in alium uirum mutatus

tatus

tarus, & potationibus deditus, omnibus de se maximam admirationem reliquit. Præfuit annis duobus, mensibus 10 diebus 22. Obiit anno Domini 555. & uacauit sedes anno uno. *Belforestius in Cosmog. sua. & S. Gregor. Turonensis de gest. Francorum, lib. 10. c. 31.*

19 S. Gregorius Florentii filius, monachus monasterii Turonensis (ut arbitror S. Martini) Episcopus creatus est anno Domini 573. & quam sanctè per annos 21. præfuerit ingenii sui monumenta, quæ posteris reliquit indicant. Migravit ab hac luce anno Christi 594. 15. calendas Decembris, & Turonis sepultus in album sanctorum adscriptus est. *Tritemius, libro quarto, cap. 45. & Belforestius ibidem.*

Scriptit simplici, & aperto sermone nonnulla opera, de quibus extat; De laude Sanctorum Martyrum, Lib. 1. excusit Colonie, in 8. De Vita quorundam cõfessorum, Lib. 2. & Parisiis in fol.

De Miraculis S. Iuliani martyris, Lib. 1.

De Miraculis s. Martini Episcopi, Lib. 4.

Hist. Francorum, Lib. 10. qui excusit Parisiis, cum scholiis Morelii, anno 1561. in 8. & Basileæ 1568. in 8. sed in ista impressione tollenda est epistola dedicatoria, impii Ill. Flacci.

Epitome eiusdem Historiæ, Lib. 1.

Chronicon Ecclesiasticæ Historiæ, Lib. 1.

Quæ omnia opera impressa narrantur Lutetiæ Parisiorum simul in uno codice, sed quo anno, nondum uidi.

Episcopatus de litera V.

Cap. L V.

Valentini in Gallia, sub Archiepiscopo Viennensi.

D.



ERARDYS, Monachus Cluniacensis, deinde Bolismensis Abbas, post Cluniacensis XIX. exinde Episcopus Valentinus, cui sedi cum aliquandiu in omni bonitate præfuisset, meritis crescentibus ad Patriarchatum Hierosolymitanum assumptus, plenus operibus bonis, quieuit in pace. *Chronicon Cluniacense MS.*

D. Petrus de Castro Lucii DD. Doctor monachus, & Abbas Cluniacensis XXXI. deinde episcopus Valentinus creatus anno Domini 1342. præfuit annis duobus. Obiit 4. nonas Martii, anno 1344. & Clu-

Clu-